

Հայկական գիտահետազոտական հանգույց  
Armenian Research & Academic Repository



Մույն աշխատանքն արտոնագրված է «Մտեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material

2802

87

ՔՐԵՄԻՆԻ ՍՈՑԻԱԼԻՍՏԻԿԱՆ ԽՈՐՀՐԳԵՆԻ ՀԵՆՐԵՊԵՏՈՒԹՅՈՒՆ

ՊՐՈԼԵՏԱՐՆԵՐ ԲՈՒՐ ՅԵՐԿՐՆԵՐԻ, ՄՅԱՅՆՔ.

ԿԱՐԼ ՌԱԴԵԿ

Վ. Ի. ԼԵՆԻՆ

Թարգմ. Ս. Զ.

ՊԵՏԱԿԱՆ ՀՐԱՏԱՐԱԿԶՈՒԹՅՈՒՆ—№ 69.

Յ Ե Ր Ե Վ Ա Ն—1925.

3K26

12-14

3K26

L-74

14 NOV 2005

08 JUN 2005

ՀԱՅԱՍՏԱՆԻ ՍՈՑԻԱԼԻՍՏԱԿԱՆ ԽՈՐՀՐԴՆԵՐԻ ՀՆՆՐԱՊԵՏՈՒԹՅՈՒՆ

ԳՐՈՒՆՏԱՐՆԵՐ ԲՈՂՈՐ ՅԵՐԿՐՆԵՐՈՒ, ՄԻԱՑԵՒՔ.

ԿԱՐԼ ՌԱԴԵԿ

Վ. Ի. ԼԵՆԻՆ

Թարգմ. Ս. Զ.



1005  
2746

*Handwritten scribble*

ՊԵՏԱԿԱՆ ՀՐԱՏԱՐԱԿԶՈՒԹՅՈՒՆ — № 69.

ՅԵՐԵՎԱՆ — 1923.

~~3040~~

~~3040~~

24 JUL 2013


9000

Թուրքարված Ե. Գ. Ք. Լ. Վ.



4899-80

Լուսձողկումատի տպարան վաղարեապատում



Վ. Ի. ԼԵՆԻՆ

## Վ. Ի. ԼԵՆԻՆ

(Կոմունիստական Կուսակցության 25-ամյակի առիթով)

Ինչպես ամեն բան բնության մեջ, այնպես էլ Լենինը ծնվել է, աճել և զարգացել:

Յերբ մի անգամ Վլադիմիր Իլիչը տեսավ, վոր թերթում եմ իր 1903 թ. հոդվածների հենց նոր լույս տեսած ժողովածուն, նրա դեմքը ծածկվեց խորամանկ ժպիտով և նա, ծիծաղելով, ասավ. «Շատ հետաքրքրական է կարգալ, թե վորպիսի հիմարներ ենք յեղել»: Բայց յես այստեղ մտադրություն չունեմ համեմատելու Լենինի գանգի ձևը (յերբ նա յեղել է 10, 20, 30 տարեկան) այն գանգի հետ, վոր փայլում է Կուսակցության Կենտրոնական Կոմիտեյի և Ժողկոմխորհի նիստերին: Խոսքը վոչ թե Լենին—առաջնորդի զարգացման մասին է, այլ Լենինի մասին է, թե ինչ է նա այժմ: Պավել Բարխուդիչ Աքսելրոզը, մենչևիզմի նախահայրը, վոր ամբողջ հոգով ատում է Լենինին, (նրա որինակով հեշտ և ուսումնասիրել, թե ինչպես սերը փոխվում է ատելության),—իր կատաղի հակաճառություններից (վորոնցով ուզում եր համոզել ինձ բոլշևիզմի վնասակարության մեջ ընդհանրապես, և Լենինի՝ մասնավորապես) մեկի ժամանակ պատմեց, թե ինչպես Լենինը առաջին անգամ ընկել եր արտասահման, և ինչպես իրենք այն ժամանակ միասին գնում էյին զբոսնելու, լողանալու: «Յես այն ժամանակ զգացի, ասում է Աքսելրոզը, վոր գործ ունիմ մի մարդու հետ, վորը լինելու յե ոուսական հեղափոխության առաջնորդը: Նա վոչ միայն պատրաստված մարքսիստ եր,—այդպիսիները շատ էյին,—այլ գիտեր ինչ է ուզում անել և ինչպես պետք է անել: Նրանից ոուս հողի հոտ եր գալիս»: Պավել Բարխուդիչ Աքսելրոզը շատ վատ

քաղաքագետ և և նրանից հողի հոտ չի գալիս: Նա առանձնա-  
սենյակի ուեզոնյոր և (ճոռոմաբան), վորի կյանքի ամբողջ վոզբեր-  
գությունը նրա մեջ և, վոր այն ժամանակ, յերբ Ռուսաստանում  
չկար բանվորական շարժում, նա ծրագրներ եր հնարում, թե ինչ-  
պես պետք և զարգանա այդ շարժումը, իսկ յերբ դա զարգացավ  
այլ կերպ, նա սաստիկ նեղացավ և մինչև այսօր ել չարացած  
ձևում և անհնազանդ յերեխայի վրա: Բայց մարդ հաճախ ուրիշի  
մեջ շատ լավ և նկատում այն, ինչ վոր պակասում և իրեն, և  
Աքսելրոզը Լենինի մասին ասած իր խոսքերի մեջ զարմանալի  
ձիշտ և նկատել նրա բոլոր հատկությունները, վորպես ղեկավարի:

\* \* \*

Անհնարին և լինել բանվոր դասակարգի ղեկավար առանց իր դա-  
սակարգի ամբողջ պատմությունն ընդգրկելու: Բանվոր դասակարգի  
ղեկավարը պետք և իմանա բանվորական շարժման պատմությունը:  
Առանց այդ գիտության նա չի կարող ղեկավար լինել այնպես, ինչ-  
պես չկա ուժերի ամենանվազագույն վատնումով հաղթանակ տանող  
և վոչ մի ժամանակակից մեծ զորավար, վոր չիմանա ռազմագի-  
տության պատմությունը: Ռազմագիտության պատմությունը—  
դա բնցնպտների ժողովածու չե այն մասին, թե ինչպես տանել  
պատերազմը, վորովհետև նկարագրված դրությունները վոչ մի  
անգամ այլևս չեն կրկնվում: Բայց ռազմագիտության պատմու-  
թյան մանրամասն ուսումնասիրությունը սրում և զորավարի  
միտքը, դարձնում և նրան ռազմաճկուն, թույլ և տալիս նրան  
տեսնելու վտանգներն ու հնարավորությունները, վորոնց չի տես-  
նում միմիայն փորձով առաջնորդվող զորավարը: Բանվորական  
շարժման պատմությունը մեզ չի ասում՝ ինչ պետք և սնել, բայց  
նա հնարավորություն և տալիս համեմատել մեր դրությունը մեր  
դասակարգի կողմից արդեն զանազան վճռական մոմենտներին  
ապրած դրության հետ, տեսնել նպատակները և նկատել վտանգ-  
ները: Բայց բանվորական շարժման պատմությունը չի կարելի  
իմանալ առանց կապիտալիզմի պատմության մանրամասն ծանո-  
թության, նրա մեխանիկային իր բոլոր արտահայտությունների  
մեջ, ինչպես տնտեսական, այնպես և քաղաքական, այսինքն ա-  
ռանց կապիտալիզմի թեորիայի ծանոթության: Լենինը կապի-

տալիզմի թեորիան գիտե այնպես, ինչպես քչերը Մարքսի  
աշակերտներից: Մա չի նշանակում ծանոթ լինել բնագրներին.  
այս բանում ընկ. Ռյազանովը, թերևս, նրանից շատ բարձր է:  
Սակայն վոչ վոք Լենինի նման չի ըմբռնել Մարքսի թեորիան:  
Վերցրեք նրա փոքրիկ գրքուկը, վոր գրված և արհեստակցական  
շարժման շուրջը ունեցած մեր վեճերի առիթով: Այդտեղ նա հար-  
ձակվում և Նիկոլայ Իվանովիչ Բուխարինի վրա, մեղադրելով  
նրան սինդիկալիզմի, եկեղեցիզմի և ուրիշ այլ մեղքերի մեջ (յերբ  
Վլադիմիր Իլիչը հարձակվում և վորևե մեկի վրա—նրա մեջ  
գտնում և բոլոր հիվանդությունները, վորոնք հիշատակվում են  
հայտնի հին բժշկական մի գրքում, վոր մեծ հարգ և վայելում  
նրա կողմից): Բանավիճական այդ գրքուկում կա մի փոքրիկ եջ,  
վոր նվիրված և գիտակցողի և եկեղեցիկայի միջև յեղած տար-  
բերության քննությանը: Այդ եջը, վորը չեն մեջբերում պատմա-  
կան մատերիալիզմին վերաբերող հոդվածների ժողովածուներում,  
ավելի շատ բան և ասում պատմական մատերիալիզմի մասին, քան  
ուրիշ սովոր աշխատությունների ամբողջական գլուխներ: Լե-  
նինը, ավելի քան ուրիշ վորևե մեկը, ինքնուրույնաբար հայտա-  
բարել և ըմբռնել և մարքսիզմի թեորիան այն պատճառով, վոր  
նա դա ուսումնասիրել և հենց այն նպատակով, ինչ նպատակով  
վոր Մարքսը ստեղծել և այն: Մի անգամ ձերուսի Մերինգը  
տպել եր մի գրախոսական Ֆեյերբախի մասին գրված գրքի առի-  
թով (գրել եր մի ուսու, ազգանունը չեմ հիշում): Այդ գրախոսա-  
կանում նա հարց եր տալիս, թե ինչու գերմանացին չի կարող  
այսպիսի գիրք գրել: Յեկ Մերինգն ինքը պատասխանում և այդ  
հարցին—գերմանացիները իրենց նպատակ չեն դնում Գերմանի-  
այի ամբողջ հասարակական և քաղաքական կարգերի վերակազ-  
մությունը և այդ պատճառով նրանք կորցրել են փիլիսոփայական  
սիստեմներն ըմբռնելու հոտառությունը, սիստեմներ, վոր հանդի-  
սանում են արտացոլումը այդպիսի վերակազմության ձգտում-  
ների: Իսկ Ռուսաստանում հերթի յե դրված ընդհանուր հեղաշրջ-  
ման խնդիրը: Լենինը մտել և շարժման մեջ, վորպես հեղափոխա-  
կան կամքի անձնավորում, և նա մարքսիզմը, կապիտալիզմի  
զարգացումը և սոցիալիզմի զարգացումը ուսումնասիրել և նրա  
հեղափոխական նշանակության տեսակետից: Պլեխանովը հեղա-  
փոխական եր, բայց Պլեխանովը կամքի մարդ չե և իր հսկայա-

կան նշանակութեամբ, վորպես ուսական հեղափոխութեան ուսուցիչ, նա ի վիճակի յեր սովորեցնել նրան հանրահաշիվ, բայց վոչ թվաբանութիւնն: Ինչպես պատմութիւնը ցույց տվեց, նա ինքը շփոթիկեց ուսական հեղափոխութեան թվաբանական չորս գործողութեանց մեջ և այդ պատճառով նրա հեղափոխութեան հանրահաշիվը այլևս ավանդումն եր պատրաստի ուսմունքներէ, քան թե մտքի ինքնուրույն պայքար եր: Այս կետումն է, վոր Լենին-Թեորետիկից բաժանվում է Լենին-քաղաքագետը:

Մարքսիզմը Լենինին կապում եր բանվոր դասակարգի ընդհանուր ստրատեգիայի հետ, բայց դրա հետ միաժամանակ նա այդ մարքսիզմը ամենակոնկրետ ձևերով մոտեցնում եր այն ստրատեգիական նպատակին, վոր վիճակվել եր ուսական բանվոր դասակարգին: Կարելի յե ասել, վոր գլխավոր շտաբի ձեմարանում նա ուսումնասիրել է վոչ միայն Կլաուզելիցներին, Ժոմինիներին և Մոլաթկներին, այլ և նա, ավելի քան վորեւէ մեկը Ռուսաստանում, ուսումնասիրել է ուս պրոլետարիատի ապագա պատերազմի ուղիները: Յեվ հենց այս՝ իր գործունէութեան դաշտի հետ ունեցած ուժեղ, մտերիմ կապի մեջ է Լենինի ամբողջ հանձարը: Մի այլ տեղ յես առիթ կունենամ քննելու այն հարցը, թե ինչու մի այնպիսի մեծ խելք, ինչպիսին է Ռոզա Լյուքսեմբուրգը, ի վիճակի չեղավ հասկանալու Լենինի արդարացիութիւնը բալչեիզմի ծագման միջոցին: Այստեղ յես կարող եմ միայն նախաբերել յեզրակացութիւնները այդ քննութեան: Ռոզա Լյուքսեմբուրգը կոնկրետ կերպով չեր բմբունում ինչով են տարբերվում ուս պրոլետարիատի տնտեսական և քաղաքական պայքարի պայմանները լեհական և արևմտա-յեվրոպական պրոլետարիատի պայքարի պայմաններէ: Այդ պատճառով ել նա 1904 թվին գրլորվեց դեպի մենշեիզմը: Մենշեիզմը պատմական հեռանկարում եր մանր-բուրժուական ինտելիգենցիայի և պրոլետարիատի ամենամանր բուրժուական տարրերի քաղաքականութիւնն: Մեթոդաբանական տեսակետից մենշեիզմը մի փորձ եր արևմտյան-յեվրոպական բանվորական շարժման տակտիկան փոխադրելու Ռուսաստան: Յերը կարգում ես Աքսելրոդի կամ Մարտովի հողվածները՝ բանվոր դասակարգի ինքնորեն զարգանալու մասին և այն մասին, թե ինչպես պետք է նա սովորի քայլել սեփական վոտքերով—այդ մտքերը համոզում են բոլոր նրանց, ովքեր արև-

մտա-յեվրոպական բանվորական շարժման ուսումնասիրութեամբ են մեծացել: Յեվ յես հիշում եմ, թե ինչպես, ծանոթանալով ուս սոց.-դեմոկրատներէ վիճաբանութեան՝ առաջին հեղափոխութեան ժամանակ, յես, չճանաչելով կոնկրետ ուս իրականութիւնը, չեյի կարողանում հասկանալ, թե ինչպես կարելի յե բացասել այդ այրուբենական ճշմարտութիւնը: Բայց այդ հոյակապ ծրագրում պակասում եյին միայն պայմաններ այդ տակտիկը գործադրելու համար, և այժմ պատմականորեն ապացուցված է, վոր մենշեիզմներէ բոլոր գրույցները բանվորական շարժման ինքնուրույնութեան մասին իրապես գրույցներ եյին այն մասին, թե ուսական բանվորական շարժումը պետք է յենթարկվի բուրժուազիային: Չափազանց հետաքրքրական է կարդալ այժմ այն վիճաբանութիւնները, վոր վերաբերում են կուսակցութեան կանոնադրութեան շարաբաստիկ առաջին կետին, վորի պատճառով առաջ յեկավ սոց.-դեմոկրատիայի բաժանումը՝ մենշեիզմներէ և բալչեիզմներէ: Վորքան աղանդավորական եր թվում այն ժամանակ Լենինի այն պահանջը, թե կուսակցութեան անդամներ պիտի համարվին միայն անլեզալ կազմակերպութեան անդամները: Լենինը չեր կամենում, վոր բանվորական կուսակցութեան քաղաքականութեան դեկը տրվի շփոթ հայացքներ ունեցող մտավորականութեան ձեռքը: Առաջին հեղափոխութեանից առաջ ամեն մի դժգոհ բժիշկ ու փաստաբան կարդում եր Մարքսը և իրեն սոց.-դեմոկրատ համարում, լինելով իսկապես լիբերալ: Մինչև անգամ մտնելով անյեզալ կազմակերպութիւններէ մեջ, կտրելով իրենց կապերը մեշչանական շրջապատից, շատ մտավորականներ, ինչպես հետո ապացուցեց այդ պատմութիւնը, իրենց հոգու խորքում մնացին լիբերալ: Բայց կուսակցութեան շրջանակների նեղացումը մինչև մի խումբ մարդիկ, վորոնք վտանգի եյին յենթարկում իրենց՝ մասնակցելով անլեզալ կազմակերպութիւններին, այսուամենայնիվ թուլացնում եր բուրժուական տարրերի գերիշխանութեան վտանգը բանվորական կուսակցութեան մեջ և հնարավորութիւն եր տալիս բանվոր դասակարգի հեղափոխական ալիքին անցնել կուսակցական կազմակերպութեան մաղի միջով, կազմակերպութեան, վոր առանց այն ել նշանակելի չափով մնում եր ինտելիգենտական: Բայց այդ հասկանալու և դրա պատճառով կուսակցութիւնը պառակտելու համար պետք եր ուսական իրականու-

թյանը կապված լինել այնպես, ինչպես կապված եր իր ամբողջ եյությամբ Լենինը, վորպես ոուս մարքսիստ, վորպես ոուս հեղափոխական: Յեթե դա պարզ չէր բազմաթիվ լավ մարքսիստների 1903-4 թվին, դա արդեն միանգամայն պարզ յեղավ այն մոմենտից, յերբ Պ. Բ. Աքսելրոդը պրոլետարիատի դասակարգային պայքարը բուրժուազիայի դեմ փոխեց չարաբաստիկ զեմստվոյական կամպանիայի, այսինքն՝ թե բանվորները կարող են հաճախել լիբերալների բանկետները կրկնակի նպատակով—տեսնել բուրժուային և լցվել ատելությամբ դեպի կապիտալիստների դասակարգը, վորոնց բանվորները բանկետից դուրս, ինչպես հայտնի յե, չէին տեսնում, և ապա, վորպեսզի կապիտալիստները դաստիարակվեն ըմբռնելու պայքարի անհրաժեշտությունը հանուն համազգային շահերի:

Բայց այն բանում ել, ինչպես և Լենինը ճանաչում ոուս իրականությունը, նա տարբերվում և բոլոր նրանցից, ովքեր ձեռնէին մեկնում ոուս պրոլետարիատի մտքի ղեկավարի գավազանին: Լենինը վոչ միայն ճանաչում և ոուս իրականությունը, այլ և տեսնում և զգում և նրան: Կուսակցության պատմության բոլոր շրջման կետերում, առանձնապես այն մոմենտին, յերբ մենք անցանք իշխանության գլուխ և կուսակցության վորոշումներից եր կախված 150 միլիոն մարդկանց բախտը, ինձ Լենինի մեջ զարմացում եր այն, ինչ անգլիացիներն անվանում են «կոմմոն սենս», այսինքն—առողջ բանականություն: «Ահա, կասեն մարդիկ, կոմպլիմենտ մի մարդու համար, վորի մասին մենք համոզված ենք, վոր այդպիսիները յերևան են գալիս հարյուր տարին մի անգամ—ընդունում և, վոր ունի առողջ բանականություն»: Բայց հենց դրանում և նրա մեծությունը, վորպես քաղաքագետի: Յերբ Լենինը լուծում և մի մեծ հարց, նա վերացական պատմական կատեգորիաներով չի մտածում, նա չի մտածում հողային ունեւտայի, հավելյալ արժեքի, աբսոլյուտիզմի, լիբերալիզմի մասին: Նա մտածում և Սաբալկեիչի, Հեսսենի մասին, տվերցի Սիդորի և Պուտիլովի գործարանի բանվորի մասին, փողոցի մեջ կանգնած քաղաքապահի մասին և այն մասին, թե տվյալ միջոցը ինչպես կազդի գյուղացի Սիդորի և բանվոր Ռուտֆորի վրա, վորպես հեղափոխությունը կրողների:

Յես յերբեք չեմ մոռանա Իլիչի հետ ունեցած իմ զրույցը

Բրեստի հաշտության կնքումից առաջ: Մեր բոլոր պատճառաբանությունները, վոր առաջ էլինք բերում Բրեստի հաշտության կնքման դեմ—յետ էլին ցատկում ինչպես սիսեռը պատից: Նա առաջ եր բերում շատ պարզ պատճառաբանություն—լավ հեղափոխականներ կուսակցությունը ի վիճակի չե վարել պատերազմը, հեղափոխականներ, վոր սեփական բուրժուազիայի բիլին չոքելով ընդունակ չեն համաձայնության գալու գերմանական բուրժուազիայի հետ: Պատերազմը պիտի վարի գյուղացին: «Միթե չեք տեսնում, վոր գյուղացին քվեարկեց պատերազմի դեմ», հարցրեց ինձ Լենինը: «Ներեցեք, ինչպես այդ քվեարկեց»:—«Վոտներով քվեարկեց, փախչում և ճակատից»: Յեվ հարցը սրանով լուծված եր նրա համար: Վոր մենք գերմանական իմպերիալիզմի հետ չենք կարող կենակցել, Լենինը վոչ միայն գիտեր, ինչպես բոլորը, այլ, նա, պաշտպանելով Բրեստի հաշտության ընձեռած հանգիստը, վոչ մի բուպե չէր թագցնում մասսաներից, թե ինչ աղետներ են նրան սպառնում: Բայց նա ավելի վատ չէր, քան ոուսական հեղափոխության շուտափույթ խորտակումը: Հաշտությունը հույսի ստվեր եր տալիս, գոնե միքանի ամսով հանգստանալու, և դա—հարցը վճռում եր: Պետք եր, վոր գյուղացին իր ձեռով շոշափեր հեղափոխության տված հողը, պետք եր, վոր նրա առջև ծառանար հողից զրկվելու վտանգը, և այն ժամանակ նա կպաշտպաներ հողը:

Վերցնենք ուրիշ օրինակ: Դա մեր՝ լեհական պատերազմում պարտվելու պահին եր, յերբ բանակցություններ էլին սկսվել Ռիգայում: Յես այդ ժամանակ մեկնում էլի արտասահման և մտա Իլիչի մոտ պրոֆմիությունների նկատմամբ յեղած վերաբերմունքի հարցի շուրջը նոր ընդգծվող տարաձայնությանց մասին խոսելու: Ինչպես Բրեստի հաշտության հարցը լուծելու ժամանակ Լենինը իր հոգու աչքերով տեսնում եր Ռյազանի նահանգի գյուղացուն և, իմանալով, վոր պատերազմական դրամայում նրան և պատկանում վճռական դերը—իր վարքագիծը հարմարեցնում եր նրան, այնպես ել—քաղաքացիական կովից Ռուսաստանի տնտեսական վերականգնման անցնելու պահին—իր վարքագիծը հարմարեցնում եր շարքային բանվորին, առանց վորի չի կարելի տնտեսություն վերականգնել: Հարցը նրա համար ինչպես եր դրվում: Կուսակցական ժողովներում խոսում էլին պրոֆմիությունների տնտեսու-



թյան մեջ ունեցած դերի մասին, պրոֆեսիոնալ կազմակերպությունները տնտեսական կազմակերպություններին զողելու մասին, և բանը այնտեղ հասավ, վոր սկսեցին վիճել սինդիկալիզմի և եկեղեցիկայի մասին, իսկ Լենինը տեսնում էր միայն գզգզված արտաքինով բանվորին, վոր կրել էր չլավածն ու չտեսնվածը, և վորը այժմ պետք է վերականգնեք տնտեսությունը: Վոր տնտեսությունը պետք էր անմիջապես վերականգնել, վոր պետք էր ուժերը լարել, վոր դրա համար մենք իրավունք ունենք գործի քաշել բանվորական մասսան,—սա նրա համար անվիճելի յեր, բայց կարող ենք արդյոք նրանց անմիջապես լծել աշխատանքի, ուղարկելով գործարան հազար հոգի մեր զինվորական ամենալավագույն ընկերներից, վոր սովոր են միայն հրամանատարություն անել: Սրանով արտադրությունը վոչինչ չէր շահի: Պետք է թողնել, վոր նրանք հանգստանան. նրանք չափազանց հոգնած են: Սա ահա վճռական արգումենտ էր Լենինի համար: Նա իր աչքերով տեսնում էր իրական ուսու բանվորին, ինչպես էր նա ՁԷ թվի ձմեռը, և նա իր վողջ էյությամբ զգում էր ինչը հնարավոր է, ինչը վոչ:

Մարքսը «Քաղաքատնտեսության քննադատության» առաջաբանում ասում է, վոր պատմությունն իր առջև դնում է միայն լուծելի խնդիրներ: Այլ խոսքով, սա նշանակում է, վոր պատմության գործիք հանդիսանում է նա, ով բմբռնում է, թե ինչ խրնդիրներ պատմականորեն լուծելի յեն սվյալ բոպեյին, և չի պայքարում ցանկալի համար, այլ պայքարում է հնարավորի համար: Լենինի մեծությունը կայանում է նրանում, վոր յերեկ ստեղծված վոչ մի բանաձև չի խանգարում նրան տեսնելու փոխված իրականությունը, և վոր նա արիություն ունի դեն շարտելու ամեն մի հենց յերեկ իր կողմից ստեղծված բանաձև, յեթե դա այսօր խանգարում է նրան իրականությունն ընդգրկելու: Նախ քան իշխանությունը վերցնելը, մենք, վորպես հեղափոխական ինտերնացիոնալիստներ, առաջադրել էյինք ժողովուրդների հաշտության լողունգը ընդդեմ կառավարությունների հաշտության: Յեվ հանկարծ մենք դարձանք բանվորական կառավարություն, իսկ մեծարգո ժողովուրդները դեռևս չեն թոթափել կապիտալիստական կառավարությունների լուծը: «Ի՞նչպես կարող ենք մենք հաշտություն կնքել Հոնոնցոլլերների կառավարության հետ»—հարց էյին

տալիս շատ ընկերներ: Լենինը չարացած պատասխանում էր մեզ —«Դուք հավից վատ էք: Հավը վախենում է իր շուրջը կավիճով գծված շրջագիծը անցնել, բայց նա իրեն արդարացնելու համար կարող է ասել, վոր այդ գիծը իր շուրջը քաշել է ոտար ձեռք: Իսկ դուք, վոր ինքներդ ձեր սեփական ձեռքով բանաձև էք գծել, այժմ նայում էք նրան և վոչ թե իրականության: Մեր ժողովուրդների հաշտության բանաձևը պետք է վոտքի հաներ մասսաները զինվորական և կապիտալիստական կառավարությունների դեմ պայքարելու: Հիմա դուք ուզում էք, վոր մենք կործանվենք և կապիտալիստական կառավարությունները հաղթեն հանուն մեր հեղափոխական բանաձևի»:

Լենինի մեծությունը նրանումն է, վոր նա իրեն առջև դնում է իրականությունից յերևող նպատակներ: Այդ իրականության մեջ նկատում է ուժեղ մի ձի, վոր գնում է դեպի իր նպատակը, և վստահանում է նրան: Նա յերբեք չի նստում իր ցնորքների ճոճաթուր: Դրանից բացի, նրա հանճարը բնորոշվում է մի ուրիշ տարրով. նիշելով իր նպատակը, նա իրականության մեջ վորոնում է միջոցներ այդ նպատակին համապատասխանող, և չի բավականանում նրանով, վոր սահմանում է միայն նպատակը, նա մտածում է և այն մասին, թե ինչ է հարկավոր այդ նպատակին հասնելու համար: Նա մշակում է վոչ միայն կամպանիայի ծրագիրը, այլև այդ կամպանիայի կազմակերպությունը: Մեր միայն սոսկ կազմակերպիչները հաճախ ծիծաղում էյին Իլիչի վրա, վոր նա կազմակերպող չէ:

Յեթե տեսնենք ինչպես է Իլիչն աշխատում իր առանձնատեսնյակում, ժողկոմխորհում, կթվա թե անհնարին է լինել ավելի վատ կազմակերպող: Նա չունի վոչ միայն քարտուղարների կազմ, վոր նյութ նախապատրաստելին իր համար, այլ մինչև այսօր էլ նա դեռ չի սովորել թեկադրել մեքենագրուհուն և մինչև անգամ ինքնագիր գրչին նայում է գրեթե այնպես, ինչպես Դոնի գյուղացին առաջին անգամ հանդիպած ավտոմոբիլին: Բայց մեր կուսակցության մեջ ցույց տվեք գոնե մի մարդ, վոր կարողանար առաջ քաշել այդ կենտրոնական գաղափարը մեր բյուրոկրատական ապարատը տաս տարվա ընթացքում բարեփոխելու մասին. մի անհրաժեշտ բարեփոխում, յեթե չենք ուզում, վոր չի նովնիկներից նեղացած գյուղացին հարայ տա: Մենք բոլորս ճա-

նաչում ենք մեր բյուրոկրատական ապարատը, մենք բոլորս գո-  
ռում ենք, աղմկում «խորհրդային մեխանիզմի փոքրիկ պակա-  
սությունները» առիթով: Բայց կուսակցության ղեկավարներից  
հավ իրեն հարց տվեց, թե անտեսական նոր քաղաքականությունը  
նոր նեցուկ յեղավ պրոլետարիատի և գյուղացիության միություն  
և ինչպես անել ապա, վոր բյուրոկրատիան այդ միությունը չը-  
քայքայի: Ռուս պրոլետարիատի մեծ քաղաքագետը, սակայն, հի-  
վանդություն մահճում (նրա շնորհիվ կտրված իրականության  
մանրունքից) շարունակ մտածում էր մեր պետության կազմա-  
կերպման կենտրոնական խնդրի մասին, և պայքարի ծրագիր  
զձեց մի տասնամյակի համար: Դա դեռ առաջին ուրվագիծն է,  
մանրամասները կփոփոխվեն փորձնական ստուգումների միջոցին:  
Բայց վորքան շատ ենք մտածում այդ թուուցիկ ուրվագծի վրա,  
այնքան ավելի պարզվում է, վոր Լենինը նորից գտել էր յեղքը,  
վոր նա նորից ապացուցեց, թե ինչպես իր մեջ միանում են մեծ  
քաղաքագետն ու քաղաքական մեծ կազմակերպողը:

Ինչպես է այդ ամենը միացել նրա մեջ—աստված գիտե  
(թող ների ինձ ընկ. Ստեպանովը և կրոնի դեմ պայքարող հանձ-  
նախումբը): Պատմությունն ունի այնպիսի գաղտնի ապարատներ,  
վորոնց վոչ մի չեկա չի կարող գտնել: Գերմանական բուրժուազիան  
չկարողացավ ամբողջացնել Գերմանիան, բայց մի ինչ վոր փոքրիկ  
կալվածատիրական դասակերտում, պատմության այդպիսի մի ա-  
պարատում ստեղծվեց, աստձով թե՛ աստանայով, այսինքն պատմու-  
թյան մոլեքուլային աշխատանքով—Բիսմարկը, վորը և կատարեց  
այդ գործը: Յերը կարողում էս նրա առաջին ղեկույցները, յերբ քայլ  
ստ քայլ հետևում էս նրա քաղաքականության զարգացման, մնում  
էս զարմացած և ինքդ քեզ հարց էս տալիս, թե համայնվորոպական  
իրականությունն ընդգրկող այդ վիթխարի թափը վճրտեղից է  
պրուսական կալվածատիրոջ: Միշտ նույն միտքն է գալիս մար-  
դու գլուխ, յերբ մտածում էս մեր կուսակցության պատմության,  
հեղափոխության պատմության մասին և Իլիչի վրա: 15 տարվա  
ընթացքում թվում էր, թե մարդը պայքարում էր բանաձևի ամեն  
մի ստորակետի համար, պայքարում էր ամեն մի «իզմի» դեմ,  
վոր հնարում էյին 25 տարիների ընթացքում, սկսած «խոստիզ-  
մից» մինչև եմպիրոկրիտիցիզմը: Այդպիսի ամեն մի «իզմ» Լենինի  
համար արտահայտություն էր իրական թշնամու, վորը գոյու-

թյուն ուներ իրականության մեջ յեղած ոտար կամ բանվոր դա-  
սակարգի շարքերում: Այդ «իզմ»-երը իրականության շոշափուկ-  
ներն էյին, և այդ բոլոր կախարդական խոսքերի միջով Լենինը  
ներծծում էր իրականությունը, ուսումնասիրում նրան և ըմբռ-  
նում, մինչև վոր հրաշք կատարվեց, յերբ ընդհատակյա աշխատող  
մարդը, պարզվեց, վոր ամենից շատ իր վոտքի տակ հող ունե-  
ցող մարդն է ոուս իրականության մեջ: Պատմությունը չի  
տեսել այսպիսի մի որինակ, վոր ընդհատակյա հեղափոխականը  
գառնա պետական մարդ: Դեկավարող թիրոստիկի, քաղաքագետի  
և կազմակերպողի հատկությունների այս միացումը Լենինին  
դարձրեց ոուսական հեղափոխության առաջնորդ: Բայց վորպեսզի  
այդ ղեկավարը լինի միակը, ամենքից ճանաչված ղեկավար,  
պետք էր ինչ վոր մարդկային բան, վորի համար և Լենինը  
սիրելի մարդն է ոուսական հեղափոխության:

Իրանը փորձում է համոզել մեզ, վոր մարդուն բացարձա-  
կապես պետք է ճշմարտություն, ինչ վոր ճշմարտ չէ իրանյան  
անհատական բանաձևի մեջ: Շատ մարդկանց համար ճշմարտու-  
թյունը սպանիչ է, նա սպանիչ է մինչև անգամ շատ դասակար-  
գերի համար: Յեթե բուրժուազիան հասկանար ճշմարտությունն  
իր մասին և յուրացներ այն ներքնապես, նա այսոր արդեն  
ջախջախված կլիներ, վորովհետև էլ ինչպես պայքարել, յերբ  
պատմության ճշմարտությունը ասում է քեզ, թե դու վճռ միայն  
դատապարտված էս մահվան, այլ և՛ քո դիակն էլ գցելու յեն կույ-  
ուղին: Բուրժուազիան իր վիճակից փրկվում է խլությունը և  
կուրությունը: Բայց հեղափոխական դասակարգը կարիք ունի  
ճշմարտության, վորովհետև ճշմարտությունը իրականության  
ճանաչողություն է և չի կարելի հաղթել իրականությունը, առանց  
այն ճանաչելու: Այդ իրականության մի մասը հանդիսանում  
ենք մենք—բանվոր դասակարգը, կոմունիստական կուսակցու-  
թյունը: Յեզ միայն մեր ուժերն ու թուլությունները ճանաչելով՝  
մենք կարող կլինենք ձեռք առնել անհրաժեշտ միջոցները վերջ-  
նական հաղթանակի համար: Լենինը պրոլետարիատին ասում է  
ճշմարտությունը, միմիայն ճշմարտությունը, վորքան էլ դա  
տխուր լինի: Յերբ բանվորներն ունկնդրում են նրան, գիտեն,  
վոր նրա ճառի մեջ վոչ մի Ֆրազ չկա: Նա ոգնում է մեզ խելա-  
մուտ լինել իրականության: Յես Դավոսում ապրում էյի թոքախ-

տից մեռնող հին բալշեիկ—բանվորի հետ: Այդ ժամանակ վեճ կար  
ազգերի ինքնորոշման մասին, վորտեղ մենք՝ լեհ կոմմունիստներս,  
պայքարում եյինք Լենինի հայացքների դեմ: Այն ընկերը, վորի  
մասին խոսում եմ, կարդալով իմ թեղիաները Լենինի դեմ, ասավ  
ինձ. «Այն, ինչ վոր դուք գրում եք, ինձ միանգամայն համոզում  
է, բայց քանի անգամ յես դեմ եմ յեղել Իլիչին, և միշտ պարզ-  
վել ե, վոր սխալվել եմ»: Այսպես են մտածում կուսակցութեան  
ղեկավար-աշխատողները, և սա ստեղծում է Լենինի հեղինակու-  
թյունը կուսակցութեան մեջ, բայց այդպես չեն մտածում բան-  
վորները: Նրանց Լենինի հետ կապողը վոչ թե այն է, վոր նա  
հազար անգամ արդարացի յե դուրս յեկել, այլ այն, վոր յերբ  
նա անարդարացի յե դուրս յեկել, յերբ նրա ղեկավարութեամբ  
սխալ է արվել, Լենինը ասել է բացեիբաց—մենք սխալ արինք,  
դրա համար ել մեզ ջարդեցին և ահա թե ինչպես պետք է ուղղել  
այդ սխալը: Շատերը հարցնում եյին—ինչո՞ւ յե խոսում սխալնե-  
րի մասին, դա նրա ինչի՞ն է պետք: Չգիտեմ, ինչու յեր անում  
դա Լենինը, բայց դրա հետեանքները շատ պարզ են: Բանվորը  
անչափ զարգացած է արդեն, վոր հավատա հերոս-փրկիչների:  
Յիբը Լենինը, վոչ մի բան չթագցնելով, խոսում է սխալների  
մասին, նա բանվորին մտցնում է իր մտքի աշխատանոցը, հնա-  
րավորութուն է տալիս նրան մասնակցելու վերջին վորոշումնե-  
րին, և բանվորները նրա մեջ տեսնում են ղեկավար, վոր նրանց  
աշխատանոցն է (լաբորատորիան), վորը անձնավորում է իրենց  
դասակարգի պայքարը, վորը՝ հինց իրենք են: Մեծ դասակարգը,  
վորին հարկավոր է ճշմարտութուն իր մասին, ամբողջ սրտով  
սիրում է իր ղեկավարին, վորը—ճշմարտախոս մարդ է, վոր  
ասում է նրան ճշմարտութունը հենց իր մասին: Բանվորը կդի-  
մանա նրա բերանից դուրս յեկած ամեն մի ճշմարտութեան, վոր-  
քան ել դա ծանր լինի: Մարդ իր ուժերին հավատում է միայն  
այն ժամանակ, յերբ ինքն իր մեջ վոչինչ չի ծածկում, յերբ նա իր  
մասին գիտի ամենածանր բաները և յերբ նա կարող է ասել ի-  
րեն՝ և այնուամենայնիվ... Լենինը ոգնում է բանվոր դասակար-  
գին իմանալու իրեն քայքայող ուժերը, իր բոլոր անկումները և,  
չնայած դրան, վերջին հաշվեկշռին ասելու—յես եմ նորին մեծու-  
թյուն պրոլետարիատը, ապագա տերն ու ստեղծողը կյանքի:  
Սրա մեջ է ահա Լենինի վերջնական մեծութունը:

25-ամյակի որը կուսակցութեան, վոր իր ուսերին կրում է  
յերկրագնդի վեցերորդ մասի ճակատագրի համար պատասխանա-  
տություն, բայց վորը հանդիսանում է գլխավոր լծակը համաշ-  
խարհային պրոլետարիատի հաղթանակի, ոուս կոմմունիստները  
և ամենը, ինչ հեղափոխական է համաշխարհային պրոլետարիատի  
մեջ, պետք է մի միտք, մի ջերմ ցանկություն ունենան, վոր  
այդ Մովսեսը, վոր ստրուկներին դուրս է բերել գերութեան յեր-  
կրից, մեզ հետ միասին մտնի ավետյաց յերկիրը:



«Ազգային գրադարան»



NL0180089

ԳԻՆԸ 10 ԿՈՊԵԿ

Գրքերը վաճառվում են Յերևան Պետրատի գրախանութում: